



LE GOUVERNEMENT  
DU GRAND-DUCHÉ DE LUXEMBOURG  
Ministère des Affaires étrangères  
et européennes

Le Ministre de la Coopération et  
de l'Action humanitaire

Luxembourg, le 5 mai 2021

Le Ministre de la Coopération et de l'Action humanitaire

à

Monsieur le Ministre aux Relations avec le Parlement

Objet : *Réponse commune à la question parlementaire n° 4027 du 6 avril 2021 de Monsieur le  
Député Fred Keup*

- *Coopération au développement entre la République du Niger et le Grand-Duché de  
Luxembourg*

J'ai l'honneur de vous faire parvenir en annexe la réponse commune de Monsieur le  
Ministre de la Coopération et de l'Action humanitaire et de Monsieur le Ministre des Affaires  
étrangères et européennes à la question parlementaire sous objet.

Franz Fayot

**Gemeinsam Äntwert vum Här Minister fir Entwécklungszesummenaarbecht an humanitär  
Ugeleeënheeten a vum Här Aussen- an Europaminister op d'parlamentaresch Fro Nr 4027  
vum 6. Abrëll 2021 vum honorabelen Deputéierten, dem Här Fred Keup**

**1) Op wéi engen Donnéeë, respektiv Rapporten berout déi uewen zitíiert Aschätzung vum Här Baussenminister?**

Eis Aschätzung berout op internen EU-Rapporten an op den Analyse vun onsem diplomatesche Reseau am Sahel, besonnesch vun onse lëtzebuergesche Mataarbechter am Niger, dat schonn iwwert 30 Joer e Partnerland vu Lëtzebuerg ass. Et ass eng Tatsaach an historesch nozeweisen dass d'Amtsaféierung vum neie President Mohamed Bazoum den 2. Abrëll 2021 zu Niamey den éischten demokratesche Muechtwiessel téschent zwee gewielte Presidenten am Niger säit senger Onofhängegkeet duerstellt. Dës Tatsaach ass och vu sämtleche Partner vum Niger, ënner anerem vun der UNO ënnerstrach ginn.

**2) Wéi schätzt d'Regierung déi aktuell Sécherheetssituatioun am Land An? Besteet eng eventuell Gefor fir Lëtzebuurger Bierger, déi sech am Kader vun der Koopératiounspolitik sur place ophalen?**

Am Niger ass d'Sécherheetsslag, ewéi an der gesamter Sahel-Region scho säit längerem volatil an dschihadistesche Attacken hunn sech a verschidde Zonen verschäerft. De Niger ass e laangjäreg Partner vu Lëtzebuerg a sou bleift d'Sécherheet, d'Stabilitéit an d'Entwécklung vum Land eng laangfristeg Prioritéit an eiser bilateraler Zesummenaarbecht. Lëtzebuerg huet och an deene leschte Jore verstärkt an d'Sécherheet vu sengen Ambassaden a Mataarbechter an Afrika investéiert. D'Sécherheetssuweisungen un d'Mataarbechter vun der lëtzebuergescher Ambassade zu Niamey gi regelméisseg ugepasst fir d'Geforen op e Minimum ze reduzéieren. Den Ausseministère steet och am regelméisseg Kontakt mat de lëtzebuergeschen ONG'en an Agencen an huet hinnen och zousätzlech budgetär Moyen'en zur Verfügung gestallt fir hier eege Sécherheetssuweisungen ze verstärken.

**3) Huet den Ausgang vun der Wahl en Afloss op d'Koopératiounspolitik vun der Regierung? Wéi begrënt sech hir Aschätzung?**

Déi lëtzebuergesch Koopératiounspolitik huet sech als Haaptzil gesat zur Reduktioun respektiv zur Eliminatioun vun der extremer Aarmut bäizedroen a konzentréiert seng Interventiounen op eng limitéiert Zuel vu prioritäre Partnerlänner, haaptsächlech di am mannste fortgeschritt Länner (pays les moins avancés) a West-Afrika an der Sahel Region. Fir dat Zil ze erreechen, konzentréiert sech déi lëtzebuergesch Koopératiounspolitik op véier Thematiken: Zougang op basis sozial Servicer, sozioekonomesch Integratioun vu Fraen a Jonker, inklusiven an durabele Wuesstem an inklusiv Gouvernance. Mat eise Partnerlänner, zu deenen den Niger och gehéiert, gëtt eis Entwécklungszesummenaarbecht am Kader vun de sougenannte Programmes Indicateurs de Coopération (PIC) festgehalen. Fridden a Stabilitéit fir d'lokal Bevëlkerung wäerte weiderhi wichteg Objektiv vun eiser Zesummenaarbecht och mam Niger bleiwen, an déi ënnert den aktuellen Ëmstänn ëmsou méi relevant sinn.

**4) Wéi een Montant un ëffentleche Gelder huet Lëtzebuerg säit 2013 insgesamt un den Niger iwwerwisen? Firwat goufen des Gelder iwwerwisen, obwuel den Niger no Ausso vum Här Asselborn zu deem Zäitpunkt net iwwer en demokratesch legitiméiert Regierung verfügt huet?**

Lëtzebuerg ënnerstëtzt den Niger am Kampf géint den Extremismus an den Terrorismus, genee wei an der Verdeedegung vun eise gemeinsame Wäerter vu Fridden, Demokratie, Mënscherechter a Gerechtegheet. Mir weisen drop hin datt de rezente Muechtwiessel am Niger e friddlechen an demokratesche Wiessel tëschent zwee demokratesch gewielte Presidente war. D'Presidentschaftswale vun Dezember 2020 a Februar 2021 si vun internationalen Observateuren, dorënner d'Union africaine, d'OIF an d'CEDEAO als konsensuell, transparent an inklusiv bezeechent ginn.

Zanter 2013, sinn am Kader vun der Entwécklungshëllef mam Niger insgesamt knapp 200 Milliounen Euro investéiert ginn, mam Zil zur dauerhafter Entwécklung vun dem Partnerland bäizedroen.

**5) U wéi eng Partner ginn déi ëffentlech Gelder sur place konkret iwwerwisen? Mat wéi engem Verwendungszweck?**

An der Ëmsetzung vu senger Entwécklungspolitik beriff Lëtzebuerg sech op d'Expertise vu verschidde Partner, dorënner eis national Entwécklungsagence Lux-Development, multilateral UNO-Agencen a lëtzebueresch oder international Entwécklungs-ONG. Am Kader vum aktuelle PIC mam Niger ginn d'Gelder an de Beräicher vum Waasser an Assainissement, Educatioun a Formatioun, Gouvernance a rural Entwécklung investéiert. Nieft der klassischer Entwécklung ginn och déi humanitär Besoin'en berécksiichtegt wéi dat nach 2020 de Fall war no de katastrophalen Iwwerschwemmungen am Niger.

**6) Gëtt et en Audit zu der Verwendung vun deenen iwwerwisene Gelder?**

All PIC wéi och all Programm deen am Kontext vun der Ëmsetzung vun der lëtzebueresch Kooperationspolitik ënnerstëtzt gëtt, gëtt evaluéiert an auditéiert.